

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima- Transfer za raseljene osobe i povratnike“ utvrđenim Budžetom Federacije Bosne i Hercegovine za 2023.godinu, „Federalnom ministarstvu raseljenih osoba i izbjeglica, V broj: 225/2023 od 16.02.2023. godine (Službene novine Federacije BiH“, broj: 13/23) i Plana povratka, obnove, gradnje i održivog povratka za 2023. godinu, usvojenog Zaključkom Vlade Federacije Bosne i Hercegovine V.broj: 229/2023 od 16.02.2023. godine, a u cilju sudjelovanja bosanskohercegovačkog iseljeničtva u ekonomskom razvoju Bosne i Hercegovine, Federalno ministarstvo raseljenih osoba i izbjeglica objavljuje:

**JAVNI POZIV**  
**za podnošenje prijave za sufinansiranje investicijskih projekata iseljeničtva u**  
**povratničkim sredinama na prostoru Bosne i Hercegovine**

**1. Predmet javnog poziva**

Predmet Javnog poziva je podnošenje prijave za sufinansiranje investicijskih projekata bosanskohercegovačkog iseljeničtva od strane Federalnog ministarstva raseljenih osoba i izbjeglica u povratničkim sredinama na prostoru Bosne i Hercegovine – u entitetu RS, Brčko Distriktu Bosne i Hercegovine, te entitetu Federacija Bosne i Hercegovine i to za područja srednje razvijenih, nerazvijenih i izrazito nerazvijenih općina i gradova u skladu sa indeksom razvijenosti Federalnog zavoda za programiranje razvoja.

**2. Cilj Javnog poziva**

Cilj Javnog poziva je podržati realizaciju investicijskih projekata pokrenutih od strane poduzetnika iz bosanskohercegovačkog iseljeničtva radi ekonomskog osnaživanja povratnika u povratničkim mjestima, te animiranje građana koji imaju boravište van države da daju doprinos ekonomskom napretku Federacije Bosne i Hercegovine i Bosne i Hercegovine.

**3. Pravo učešća**

Pravo učešća u Javnom pozivu imaju:

- a) Investitori - pravna lica – privredni subjekti registrovani van Bosne i Hercegovine čiji su vlasnici/većinski suvlasnici državljani Bosne i Hercegovine koji imaju boravište van Bosne i Hercegovine, a koji planiraju proširiti poslovanje na područje Bosne i Hercegovine u roku od 90 dana od dana potpisivanja sporazuma o dodjeli sredstava po ovom Javnom pozivu;
- b) Investitori – fizička lica - državljani Bosne i Hercegovine koji imaju boravište u iseljeničtva - koji namjeravaju investirati u pokretanje novog privrednog društva u Bosni i Hercegovini u roku od 90 dana od dana potpisivanja sporazuma o dodjeli sredstava po ovom Javnom pozivu.

#### **4. Finansijska sredstva**

Planirana sredstva za sufinansiranje investicijskih projekata u skladu sa ovim Javnim pozivom iznose ukupno 600.000,00 KM (slovima: šeststotinhiljada KM).

Vrijednost sufinansiranja jednog investicijskog projekta od strane Ministarstva će iznositi do 150.000,00 KM.

Izabrani investitori preuzimaju obaveze da:

- najmanje 70% svog ulaganja realizuju u novcu, što će dokazati potvrdom ovlaštene finansijske institucije (banke) o izvršenom transferu kapitala u Bosnu i Hercegovinu, prilikom potpisivanja sporazuma o dodjeli sredstava po ovom Javnom pozivu;
- preostalu vrijednost realizuju kroz ulaganje u: objekte, opremu, obuku radnika, licenciranje/certificiranje i slično (vrijednost ulaganja mora biti dokaziva finansijskom dokumentacijom).

#### **5. Broj prijavljenih zahtjeva**

Podnosilac zahtjeva može dostaviti isključivo jedan projekat u okviru ovog Javnog poziva.

#### **6. Opći kriteriji za dodjelu finansijskih sredstava registrovanim preduzećima:**

##### **a) Prijava na Javni poziv obavezno treba da sadrži sljedeće dokumente – PRAVNA LICA:**

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Hamdije Čemerlića br. 2. Sarajevo;
- 2) Dokaz o registraciji privrednog subjekta u državi boravišta ili u nekoj od država članica Evropske unije (EU) ukoliko vlasnik/ većinski suvlasnik ima boravište u nekoj od država članica EU, sa jasno naznačenom vlasničkom strukturom u privrednom subjektu – preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 3) Dokaz da su vlasnici ili većinski suvlasnici pravnog lica aplikanta državljani Bosne i Hercegovine – uvjerenje o državljanstvu izdato od strane ovlaštenog organa u Bosni i Hercegovini ili diplomatskom predstavništvu u inostranstvu;
- 4) Dokaz da vlasnici ili većinski suvlasnici pravnog lica imaju boravište van Bosne i Hercegovine – kopija ličnog identifikacijskog dokumenta izdatog u državi boravišta - preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 5) Projekat za planiranu investiciju sa detaljnim opisom projekta, vrijednosti ulaganja i očekivanim rezultatima;
- 6) Izjava o broju povratnika koji će biti uposleni kroz projekat – ovjerena od strane nadležnog organa.

##### **b) Prijava na Javni poziv obavezno treba da sadrži sljedeće dokumente – FIZIČKA LICA:**

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Hamdije Čemerlića br. 2. Sarajevo;

- 2) Uvjerenje o prebivalištu (CIPS) aplikanta izdatog od strane nadležnog organa u Bosni i Hercegovini, ne starije od 3 mjeseca;
- 3) Projekat za planiranu investiciju sa detaljnim opisom projekta, vrijednosti ulaganja i očekivanim rezultatima;
- 4) Izjava o broju povratnika koji će biti uposleni kroz projekat – ovjerena od strane nadležnog organa.

#### **7. Posebni kriteriji za dodjelu finansijskih sredstava (za pravna i za fizička lica):**

- 1) Projekat kojim se aplicira za sufinansiranje sa jasno definisanim očekivanim rezultatima i procjenom mjerljivih efekata poboljšanja ekonomske održivosti povratnika,
- 2) Projekcija finansijskih ulaganja sa izvorima prihoda i očekivanim rashodima,
- 3) Broj radnika koji se planiraju zaposliti u okviru investicije,
- 4) Preporuka jedinice lokalne samouprave ili nadležnog organa u oblasti privredne djelatnosti u mjestu sjedišta aplikanta ili u mjestu sjedišta pravnog subjekta - prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača,
- 5) Izjava o reinvestiranju dobiti u dalji razvoj investicija u Bosni i Hercegovini.

#### **8. Dodatna dokumentacija nakon izbora korisnika**

Izabrani korisnici će biti **dužni da u roku od 90 dana** od dana potpisivanja sporazuma o dodjeli sredstava dostave za novoosnovani privredni subjekat:

1. Rješenje o registraciji;
2. ID broj;
3. Ugovor sa bankom o otvaranju bankovnog računa;
4. Dokaz iz nadležne poreske uprave o prijavljenim radnicima;
5. Ugovor o radu na neodređeno vrijeme sa najmanje jednim radnikom iz populacije manjinskih povratnika;
6. Dokaz o izvršenom transferu kapitala u Bosni i Hercegovini (potvrda ovlaštene finansijske institucije - banke).

#### **9. Način izbora korisnika**

Otvaranje prijave, analizu projektnih prijedloga i rangiranje aplikacija po osnovu Javnog poziva će vršiti posebna komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor potencijalnih korisnika za sufinansiranje investicijskih projekata bosanskohercegovačkog iseljništva od strane Federalnog ministarstva raseljenih osoba i izbjeglica u povratničkim sredinama na prostoru Bosne i Hercegovine" donesenim od strane federalnog ministra raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacija na Javni poziv, te u slučaju da utvrdi da podaci nisu tačni, može predmetnu aplikaciju odbaciti kao neurednu.

## 10. Objavlivanje rang liste potencijalnih korisnika

Preliminarna i konačna rang lista po ovom Javnom pozivu će biti objavljena na internet stranici Federalnog ministarstva raseljenih osoba i izbjeglica [www.fmroi.gov.ba](http://www.fmroi.gov.ba), a obavijest o rang listama u jednom dnevnom listu u kojem je objavljen ovaj Javni poziv.

## 11. Dostavljanje prijava na javni poziv

Prijavu na Javni poziv i traženu dokumentaciju aplikanti će dostaviti preporučenom poštom na adresu:

**Federalno ministarstvo raseljenih osoba i izbjeglica,  
Hamdije Čemerlića 2.,  
71000 Sarajevo**

**sa naznakom:** Prijava na „Javni poziv za prijave za sufinansiranje investicijskih projekata iseljništva u povratničkim sredinama na prostoru Bosne i Hercegovine“

*(Na poleđini koverta obavezno navesti naziv/ime podnosioca prijave, tačnu adresu i broj telefona)*

**Rok za dostavljanje prijava je 15. septembar 2023. godine.**

Nepotpune i neblagovremene prijave neće se uzimati u razmatranje.

Dodatne informacije mogu se dobiti putem e-maila [kabinet@fmroi.gov.ba](mailto:kabinet@fmroi.gov.ba).

**MINISTAR**

Nerin Dizdar